山庫全幸

史部

欽定四庫全書

江南通志卷一百六十四

檢討臣他生覆勘 校對官助教臣卜維古 絕扶官編修臣王蘇稱 騰録監生臣張同履

詳校官給事中臣丁雲錦

火にり 上上 一門 欽定四庫全書 江南通志卷一百六十三 班固言儒家者流其道最為高良集諸儒修經學 儒林一 杨志 可其特為傳者如添施響高相東海后倉嚴 孫准陽彭宣淮南首生山陽張就張長 江蘇松常鎮淮揚徐八府太海二州 江南遁志 自正弓陽田王孫魯賜沛戴

聖朝彰聞六學勸與實序所以崇獎風属倍隆於古者 其盛如此然則源流派别支葉蕃滋居可知矣况 國唐固字子正丹陽人修身積學稱為儒者著國 安東海髮福九江陳俠張邯皆今江南地所產也益 語公羊穀梁傳註講授常數十人孫權為呉王拜 較著者具錄於篇 乎或授受一經或旁通大義為箋疏傳註之學尤 江寧府

次是四車全書 天 唐許叔牙字延基句容人塞於詩禮負觀問拜弘文 宋周啓明字昭回昇州人景德中舉賢良方正既召 僕射卒 固議即自陸遜張温等皆拜之黄武四年為尚書 家 議北郊禮 館直學士獻詩纂義十篇子子儒字文舉髙宗時 許淹句客人精訓詁與魏横公孫模皆以博學名 江南通志

明陳遇字中行江寧人博究經史仕元為温州教授 元孫轍金陵人學行統篇教授不倦口不及人過士 請馬 常丞 至郡以不請職為恥諸部使及長吏之賢者多造 棄官歸明初以薦召見太祖與語大悦命為翰林 佐表其行義於朝賜粟帛仁宗時除試助教遷太 會東封報罷弟子百餘人不復求仕轉運使陳堯 卷一百六十三 R and part of the light 學士中書左及禮部尚書皆不受然國家事多所 陶元素字希文上元人正統元年進士乞歸養 至工部尚書 獻替非正道不陳眷待甚厚卒賜葬鐘山子恭官 歷聘典浙江河南鄉試家居吉凶禮儀悉遵朱子 已已威喇入寇上欲親征潤白於尚書鄺埜曰細 金潤字伯玉上元人正統間以鄉直授兵部司務 而然以時制 江南通志

金片四四日有書 事未可重煩車駕上疏不報土木之變言於司馬 李文正稱之曰今之不識相門者仲律一人耳 與咨議知南安府致仕潤有文章尤遠於易嘗書 **愈事副使督學湖廣山東仕三十餘年無所干謁** 圖 系解者 淵學探微十二卷 于謙請堅壁清野以待之謙從其言軍國大計每 改南主客司與章懋羅倫為友時稱十君子歷世 沈鐘字仲律上元人天順庚辰進士授驗封主事

吉賢獨否瑾恨之出守大名徒延平歸**賢精春秋** 讀性理大全通鑑綱目每閱一遍用一色筆評註 命勘兩准重獄時奄瑾亂政諸司獻獄皆取瑾意 前輩風流 至五色皆備字畫精好顧文莊見之口即此可見 茂為孝友家居數十年杜門讀書人罪親其面喜 金賢字士希江寧人弘治壬戌進士授給事中奉 將法字惟深上元人成化丁未進士官泰議性撰

とこりは上かれる 一天

江南道志

智稍正以母憂去遂卒賜性篤孝義母目盲賜旦 景楊字伯時上元人正德戊辰進士除翰林院編 學病諸傳之好令微文隱古不見於後者紀愚十卷 必越宿齊沐親有感悟遷國子司業六館諸生成 修時逆瑾亂政陵縣朝士景陽獨弗阿每當進講 或問百篇行世 以為得師改左中允管南京國子司業事南方士 夕禱於神雙眸復明

寺少卿孝友廉介居官常禄外秋毫無取歸杜門 却掃人罕見其面 盧壁字國賢金吾衛籍嘉靖戊戌進士仕至苑馬 即管南祭酒致仕學者稱白野先生 欲引以為重邁不應久之進南太常旋以禮部侍 學副使以疾歸復起提學浙江進太僕寺即發革 雇役偽票諸弊萬歷中張居正當國以邁有盛名

殷邁字秋漢江寧人嘉靖辛丑進士任至貴州提

銀定四庫全書 野令折錢納栗以備錢築堤成梁以桿水民戴其 李登字士龍上元人文行特著隆慶初選貢授新 求者死後乃有求耶 患以优直忤時改崇仁教諭講明都魯之學有願 嚴書力却人厚飽臨終戒無巧人銘墓曰我固無 向試以學莫先於立志論尤相賞契生平操持甚 楊希淳字道南上元人年十四督學胡泉岡試孔 子惜繁纓論意為宿學見其幼更異之督學耿定 卷一百六十三 元十三

顧起元字隣初國輔子萬歷戊戌會試第一殿試 朝鮮遇屬國君臣嚴重有體事竣盡却飽驢朝鮮 第三由編修歷吏部左侍郎當軸欲引以大拜起 製歸不復出素行孝友既貴悉以遺田推弟辨同! 重之擢右諭德掌南翰林院事晉南禮部侍郎丁 朱之蕃字元升衣之子萬歷乙未殿試第一奉使 學篇寶唐語錄 產子女之婚嫁分宅居父執之妻孥鄉黨重之

銀定四庫全書 ! 兹之門 顧起元 目為今之黃憲子元厚讀書敦行 之稱明臺夫子孝友端愁游於耿定向羅洪先焦 鄭宗化字尚德上元人以明經教諭除陽學者宗 爭之後卒諡文莊 通晓居家絕迹公府惟地方利與不恤身任而力 有父風 學問該博凡古今成敗人物賢否諸曹掌故無不 元避居逐園七徵不起友人題其小祭曰七召亭 卷一百六十三

國朝張正綱字敦五上元人敦勵實學當云孔辨君子 者注周禮離騷春秋多昔賢所未發 著有家禮考註的穆圖宗子說五倫政蒙等書 終身不復娶當事交薦其學行詔授本學訓尊所 號於殯所隣族憐之為助其葬妻失爱於母出之 劉問字子賢六合人家貧力養母或悉怒則衣冠 小人孟辨舜跖之徒未有利關不破可以語為人 跪林下以父喪未葬三年斷酒肉不內寢朔望輒

召入都行至在平無疾而終未竟其用著春秋宗朱辨義 欽定四庫全書 漢舉弘字奉卿具人家世冠族少有英才與桓禁相 後授經講學文行日著徐元夢撫浙時禮聘為書 善榮薦其經術自揚州從事拜議郎子徽官至司 院山長後奉 研究經史一以躬行實践為主不事聲華釋褐 張自超字異嘆高淳人康熙癸未進士博極草書 蘇州府 卷一百六十三 江南通志 火三の車人は 一 南北朝齊張緒字思曼具人父演太子中舍人緒少 徒長史 設几杖從綜乞言馬 帝舉三代之禮以正月上日幸辟雍延綜為三老 顧綜字文偉 具人明帝時碎有道歷官至尚書令 緒長於周易言精理與見宗一時遇者肅然如在 知名清簡寡欲齊萬帝用為太常卿領國子祭酒 宗廟卒諡簡子子充多所該通尤明老易仕齊累 江南通志

金といいりという 梁皇侃兵郡人少好學師事會稽賀瑪精力專門盡 官義與太守為政清净梁天監初歷吏部尚書居 學講說聽者常數百人召入壽光殿說禮記義武 通其業尤明三禮孝經論語仕梁為國子助教於 多執經以拜 選以平允稱遷國子祭酒登堂講說皇太子以下 帝善之侃性至孝日限誦孝經二十禍丁母憂歸 邰陵王綸欽 其學厚禮迎之尋卒所撰諸經義並

ここうこ 陳陸慶呉郡人徧通五經尤明春秋左氏傳節操甚 博士各主一館館有數百生給其廳館於是懷經 陸璉具郡人天監四年詔開五館建立國學總以 見重於世學者傳馬 欲見之不可得乃於陸祭宅穿壁觀之謂祭曰嚴 髙仕梁為婁令入陳屢辭徴辟築室屏居永陽王 員笈者雲會馬 五經教授置五經博士各一人以連及沈峻等補 Ą 江南道志

金定四库全書 隋潘徽字伯彦具郡人少受禮於鄭灼受詩於施公 受書於張沖並通大義尤精三史始煬帝鎮廣陵 漢王諒侍讀該出牧并州引為博士子後印 典撰春秋義畧喪服孝經論語義諸書後入隋授 張沖字叔元具郡人仕陳為左中郎将好覃思經 引為博士令與諸儒撰江都集禮及帝嗣位復詔 馬班諸書唐初終弘文館學士 君平鄭子真何以加兹子士季從顧野王學左氏 卷一百六十三

唐陸德明名元朗以字行具人陳大建中太子徵四 7 世充僭號遣其子元恕即其廬行束脩禮德明恥 克抗對屢奪其說舉座咨賞入隋為國子助教王 褚輝字萬明吳郡人以三禮學稱於江南煬帝時 方名儒講於承光殿德明始冠與國子祭酒徐孝 無能屈者捏太常博士 徴天下儒術之士悉集內史省相次講論輝博辯 微與猪亮等助楊素共撰魏書會素卒而止 工有更完

銀定四庫全書 張後印字嗣宗随父沖在并州以學行見稱高 閱德明所撰經典釋文甚嘉之厚賜其家 命中山王承乾受業貞觀初終國子博士太宗後 竟不與語世充平太宗徵為秦王府文學館學士 散騎侍郎太宗即位歷國子祭酒當賜宴月池令 鎮太原引居賓館以春秋授太宗武德中擢員 之服巴豆散即東壁下元恕入拜德明對之遺痢 羣臣以春秋酬難帝曰朕昔受大義於君今尚記 寒一百六十三 三百六十三 外

奢充使諭肯以釋三國之憾子奢雅有儀觀海 四室子奢始發七廟之議帝嘗欲觀起居紀錄子 欽服皆上表謝罪累轉弘文館學士唐初太廟 同伐新羅連兵數年不解新羅遣使告急帝令子 直秘書學士入唐授國子助教貞觀初高麗百濟 朱子奢具人通春秋左氏傳博觀子史隋大業中 朔方節度使東都留守諡貞獻 之永徽中致仕卒盆曰康陪葬的陵孫齊邱累宣

欽定四庫全書 學尤深於春秋少師事趙匡匡師啖助質盡得其 施士白呉人明毛鄭詩通春秋左氏傳善講說朝 奢曰陛下無過舉雖見無嫌然以此開後世史官 陸質字伯沖吳人本名淳以避憲宗諱改質有經 之賢士大夫從而執經考疑者繼於門太學生習 之禍可懼也上雖不從人多韙之 諸生輒拜疏乞留貞元十八年卒官韓愈誌其墓 經者皆其弟子由四門助教為博士秩滿當去

欠正のtop Lution i 宋陳之奇字虞柳吳人天聖中舉禮部御試不得第 傳仁宗從之 微肯三書有益後學請令江西行省髮梓以廣其 祐中集賢大學士曲出言質所著春秋纂例辨疑 傳陳少游鎮揚州辟為從事後薦於朝拜左拾遺 歷給事中皇太子侍讀卒學者稱文通先生元延 退居十年無仕進意舅丁謂欲官之力辭不就寶 元初及第歷太常博士之奇孝於親約於身信於 江南通志

金云四周白電 錢象先字資元具人中進士高第宰相呂夷簡薦 朋友篇行好學遠近欽其名德皆以君子稱之 孝特賜章服祭之 其經行為國子監直講終吏部侍郎象先長於經 将仁宗留神經藝**屢有顧問象先輒依經以對因** 朱長文字伯原具人從泰山孫明復授經尤遠於 後十五年當修勃成例賜勲爵仁宗以象先事母 以諷論政事時務有啟迪獻納之益留侍經筵前 麥一百六十三 とこりい こう 率從者風靡大觀三年廷試常士預選者五十三 憂歸家居二十年時後咸師仰之因其所居樂圓 學博士秘書省正字元符初卒哲宗知其清賻絹 烈時號三先生其教人先經術而後詞章召為太 號樂團先生元祐中起本州教授同學者徐積陳 林處字德祖吳郡人登進士第教授常州身為勸 春秋博聞强識篇學力行舉進士歷校書郎丁文 百匹生平撰述甚多並行於世 江有通志

金定四库全書 書 王賴字信伯吳江人從二程子於洛為萬弟通春 所著有論語解孝經解諸書 **處自六經諸子而下錯綜貫穿著有易說書義等** 知政事為人剛正有守文章温潤典雅深於理趣 王綯字唐公崑山人建炎初為御史中丞歷拜參 之南立進賢坊以榮之遷開封府左司錄請老歸 詔以進賢宜受上賞特轉一官知州徐申於學

とこううという一般 嘗為白鹿洞書院山長力行朱子學規 鼎復為之賜出身除正字頻奏治平三事上深嘉 陳長方字齊之具江人從王蘋游紹與中舉進士 解未成而卒實祐初里人沈義甫建明教堂祀蘋 其通晓世務歷著作佐即通判常州晚作論語集 蘋丹萬宗駐蹕平江郡守孫祐薦其學行军相趙 以陳長文楊邦弼配皆其弟子也義甫亦有名行 秋視楊時指為後進時亦以為後來師門成就惟 江南通志 吉

一金定四库全書 衛提字正叔崑山人參知政事經弟好古博學當 時所著有古易及周易圖說樂舞新書諸編 蘋而與朱震呂本中等游尤邃於春秋 章憲字叔度常熟人樂道好德操履萬潔師事王 治經史為時碩儒當講學朱子之門詩文亦名! 其仁傑字斗南崑山人淳熙進士歷國子學錄博 為江陰教授尋歸閉門著書學者稱惟室先生 集禮記諸家傳說名禮記集說寶慶二年上之仕 卷一百六十三

てこうう 滕成字季度其人沈敏好學就研經史淳熙中學 錢俱字廷碩常熟人舉進士終朝請即平生就味 賢良以忤考官被擯後雖再召薦者不絕處之漠 並有學行德文以魏了翁真德秀薦仕至承節即 經籍尤精易學所著有易說諸編 至直實誤閣知表州學者稱為櫟齊先生 不預鄉薦著書終老子德文字周鄉孫發字行父 王林字勉夫蘋從孫早孤奮學母及後以不建養 . . .

多定四庫全書 易解大全三十卷子潼歷松江府判官亦以篤學 勵行稱 俞琰字玉吾具縣人初以詞賦稱宋七隱居者書 吳遂家馬累調浙東提舉常平幹辦公事以內製 不復仕進以義理之學叔諸人於書無不讀尤精 不行國亡後力群當事之為不出戶庭三十年著 孟文龍字震翁昭慈后五世经孫以高祖忠厚鎮 如也禁適薦其學行賜號康靖居士

元部光祖字弘道其人博學好古研精經傳講習重 述諸書並行於世子仲温克繼其學 立獲親我前朝遺老治家有法以經代教授章句 朝有論議氣節自浙東徒其成幼力於學卓然有 范成字性存父霖元初以名儒召歷禮部侍郎立! 三十年通三經所者有尚書集義 名數無不完極隨才誘掖成就後學郡嘗禮致為 易學好鼓琴既老自號石澗卒年七十餘其所纂

钦定四庫全書 一个

江南通志

共

明徐達左字良夫吳縣人從名儒受易書二經元季 訓導子煩有孝行 洪武初用薦為建寧訓導師道克立所著有四子 隱光福山中置家塾合族屬子弟教之鄉黨遵化 趙文字宗文長洲人永樂中用薦知都陽縣鄉里 書及文集 不復仕教授於鄉所著有春秋識議 王原傑吳江人學遠行潔至正問領鄉薦值兵與

深重之 楊翥字仲舉具縣人少以德量稱仁宗朝楊士奇 厚班文章不及逐而理致為勝制行醇寫楊士奇 熙初開弘文問班與楊溥陳繼日直其中禮遇甚 書性理大全書成留為翰林五經博士進侍講洪 諭永樂初召修永樂大典充副總裁又修五經四 稱為實君子所著有理學述言諸編 王連字汝嘉長洲人赞善遜弟舉明經歷大庭教

文正DIAT LE MED 1

江南通志

Ł

少從父寓武昌與楊士奇楊為以德業相勵建文 尤安禮字文度長洲人父義字崇道有名行安禮 顧異字順中長洲人受易於鄉儒周傳永樂甲辰 皆從巽受經 進士具中易學實始於異當時賀康孔友諒顏珣 章平實恬和如其人 動不妄與物無競一時精紳推厚德者有為最文 薦之召授編修歷禮部尚書告歸有修身謹行言 卷一百六十三 文正日本上上十二日 字時宮僚多得罪問與黃淮楊溥同坐緊三人相 得甚省躬念各之服各持一經講論曰此處憂患 從人借讀無不通晓永樂時以被薦為司經局正 之道也正統間終禮部右侍郎問義聞流著平生 金問字公素具縣人少受易於俞貞本家資無書 禮平居若無所可否至辨析理欲毫介不尚 元年舉於鄉為方孝孺所取士仕至貴州參議安 閱履否泰相循而不變所操製述雅健書得魏晉 江南通志

鲁涉迹歷國子祭酒嚴教係以約諸生無敢俸進 者天順初遷少詹事侍太子講讀卒上嗟悼曰安 修實録言行不尚與人交一以誠信權門要路未 筆法星歷之學尤精兄聲亦好古情學問事之如 得學行醇為如斯人者耶諡文恭 徴入翰林逐舉 真子鄉薦授中書舍人宣德間與 劉鉉字宗器長洲人事母以孝聞永樂時以善書 卷一百六十三 2 1. 10 101 J. L.17 日直閣中備顧問進檢討致仕繼為人端恪其學 楊士竒薦召授翰林五經博士時初開弘文閣繼 灌母以壺漿與之拜而後飲朝廷嗟異仁宗初以 惟書二萬卷其母守節教繼及長學成名盛事母 陳繼字嗣初吳縣人汝言子生十月而孙家所存 銘存順没寧二語而逝子寬完皆能文 自經史百氏皆考究精核文章根義理臨卒誦西 至孝有司上其事使御史察之繼方隨母抱斃行

江南通志

金安四月至書 領天順壬午鄉薦授鄜州學正終藩王府長史庭 學貴踐履不尚詞華律身教人動以禮法 政生平完心理學院尤好易所畫諸圖因義文部 王庭字元直崑山人少師事葉文莊盛盛甚器之 類居家冠婚喪祭悉導古儀注學者稱勉思先生 子之所命者而衍之其於洪範所陳配合皆有倫 周木字近仁常熟人成化乙未進士歷官河南布 子炯字光字舉進士累官山西布政以才守稱 卷一百六十三

ところうという 若有正學編諸書學者稱静臺先生 杜偉字道升吳江人嘉靖王子舉人官工部主事 為志聖學講明源洛宗古躬行實踐不務標榜所 徐師曾字伯魯吳江人嘉靖丁未進士歷官吏科 關閩之學 曰如有用我執此以往為文有體要尤寫好源洛 經博古為學常傲呂祖謙大事記論次古今得失 鄧報字文度本姓蔡 常熟人正德丙子舉人以通 江南通志 于

金万口几百百 給事中移疾歸里闢書舍南湖上講誦如諸生萬 編學者稱魯卷先生 歷中屢語起辭不赴益研究經學撰禮記集註諸 談道居嘉定安亭江上四方來學者數百人海內 洪範傳諸編子子慕字季思萬歷辛卯舉人再試 稱震川先生乙五舉進士歷官太僕寺死所著有 儒嘉靖庚子舉南蘭第二人八上春官不第讀書 歸有光字熙甫崑山人弱冠通六經三史蔚為大

易矣既就正羅洪先洪先嘆曰昭明之書如盤根 諸儒之周禮也覃精十載求聖人之心溯斯禮之 周禮自宋以後或著書指摘或以己意更次此皆 逸時子慕己前卒巡按表其名行追贈翰林院待 源原設官之意成周禮傳詁數十卷以為百世不 王應電字昭明崑山人受業於魏校篤好周禮謂 詔孫昌世字文体曾孫莊字元恭並以詞翰擅名 不第屏居江村講性命之學懷宗中有詔搜訪遺 エあると

多定四年全書 楼枝附麗宛轉即白虎諸儒莫能駕其上也翰林! 孝聞人目為王曾子少受業魏校聞點成之肯當 言議論不如者述者述不如躬行自見耿定向語 以無獨成之學由是多所誘板弟子從游者四百 王敬臣字以道長洲人江西泰議庭子事親以為 同文備考書法指要諸編並行於世 又研精字學訂正說文為謬名曰經傳正為又著 陳昌績以師禮事之江撫胡松為刊行於世應電 卷一百六十三

The County County 加優禮 者師盍往事之自是生徒日盛所若有周易管窺 諸書學者稱拱山先生 臣晚歲每語來受業者曰道夫進業立誠足為學 鄭光宙字道夫具縣人師事王敬臣盡得其傳敬 餘人其學以慎獨為先深以標立門戶為戒學者 不行韶以所授官致仕後復以巡按薦韶有司時 稱少湖先王萬歷中廷臣薦其學行以博士徵辭 江南通志 主

金万世后有平日 楊廷樞字維斗具縣人兵部尚書成孫孝子大榮 臺禮有緣述行世 何思佐字類凡長洲諸生家世以儒學相傳精曲 林奉為模楷因其所居皐里稱皐里先生門弟子 義疏傳說辨其源流得失領解之後聲譽日盛士 節負重名與諸名流分經立課集漢唐以下諸儒 子學懷宗庚午鄉試第一為諸生時即以文章氣 著錄者二千人甲申之後接命蘆墟門人私諡忠

处是四年全事 學所著有家學測解釋訓考源識者言足證說文 編一時碩儒皆推服其學完天人 楊无各字震伯廷樞子痛父罹難杜門隱居歷八 韓治字君望長洲人隱居羊山以高節著深於字 長箋之誤 創新法候日月食較密於前人撰有歷法歷說諸 王錫闡字寅旭呉江人博綜羣書尤精歷象之學 江南通志 Ī

國朝顏炎武字寧人崑山人貢生少員異質為志古學 學多闡前人所未發所著有譚經録諸書 經及濂洛關閩之書探索融會務在躬行實踐所 **始哀隱痛遂棄舉業授徒瞻母潛心理學四子六** 朱用純字致一父集璜殉難時用純方補郡諸生 著有四書講義諸編 十年與徐枋朱用純稱吳中三萬士生平覃思經 經請史皆能肯誦生平足跡半天下所至考其

與婁東顧夢麟友善明季俗學多創新說指傳註 **藝與夢麟講說辨難力明程朱之說天下拿然從風** 楊異字子常常熟人以貢歷都昌知縣移疾歸少 古今貫串精核卓然成一家言當代咸服為通儒 所未有學者稱亭林先生 於六書音義尤有獨得李光地以為自漢晉以來 稱楊顧之學晚年目首指請友人讀書其側為諸 山川風俗疾苦利病如指諸掌凡所論著皆上下

J. 10 ... 1.1.

江南西志

金定四庫全書 隱詩時稱詳膽脫年潛心六經長於笺疏之學考 朱鶴齡字長孺其江諸生嗜古博學注杜甫李商 生講說無少倦 之定求風承門風又從游湯潛巷先生之門益研 素文雅舉進士自長寧令罷歸結社講學學者宗 彭定求字勤止長洲人康熙丙辰會試殿試俱第 證精核所者有毛詩通義尚書牌傳諸編 授脩撰歷官侍講先後里居二十餘年泊若寒 卷一百六十三

蒙正錄諸書儀封張公伯行撫蘇尤相契合裁成 仕進讀書敦行品望日重兩任邑中清田事先後 求心性宗青粹然員儒者之望當編纂儒門法語 為中丞湯斌宋華所推表章前哲扶植桑梓每不 熙壬戌進士官編修授職七月即乞假養母絕意 志長子少師事邑中耆儒朱用純能得其傳舉康 後學攸助為多 王結生字醇叔崑山人明刑部即中臨事孫舉人 E . CO . M

欽定四庫全書 南北朝陳顧野王字希馮吳人七歲讀五經知大肯 三國陸績字公紀吳郡人康子博學多識星歷第數 不廢作渾天圖注易釋元皆傳於世 無不該覺孫權統事群為奏曹椽出為鬱林太守 抑戒云 遺餘力著懿言日錄張伯行稱其精深博大比之 加偏將軍績意在儒雅非其志也雖有軍事著述 松江府 卷一百六十三 人 CO DE Line 宋陳伯達華亭人紹與中進士其學深於經術著洪 世孫道行字正平唐開元中登文學優瞻科 皆執北面禮所者有學易 蹊徑等書 範九圖九說 田疇華亭人嘉定間常設講席於國學六館之士 官黄門侍即所撰有與地志玉篇元象表諸書行 篆奇字無所不通以篇學至性知名仕梁及陳歷 長而獨觀經史精記點識天文地理著龜占候蟲 江南通志 主

金与正月百言 元陳宏字君宏華事人以儒業著聞選於易書著易 象發揮易孟通言童子問 孝數事得白遂歸不復仕 其賢招致之待以國士王被誣誅尚元力陳王忠 庸管見聚疑原孟等書皆出先儒議論之表趙孟 順薦為東宮伴讀既而主禮典樂皆稱職知王聞 夏侯尚元字文柳華亭人為文下筆立就當作中 王昭大字茂卿華亭人博綜經傳於易尤精詣授 卷一百六十三

書法趙孟順至正中徵至京書金字釋典擬官翰 度圖三卷官府學訓導子默字子章多藝善談論 并續以發其縊自號易癡道人講授於鄉以壽終 有乾坤闔闢天地生成陰陽變化山川流峙四圖 周之翰字申甫華亭人博極羣書尤精易學所著 湖州教授致仕歸 王文澤字伯雨上海人博學通經所著有尚書制

銀定四庫全書 明殷奎字孝章華亭人少從楊廉夫受春秋洪武四 訓導入侍經筵歷遷山東參政 林鐘華亭人有學行通詩書春秋宣德中任崑山 問務窮理期有以體之身心措諸事業登天順丁 宋瑛字克輝華亭人少嗜學既領鄉薦益肆志學 先生弟璧箕俱明經篤行 祭儀閣中名勝集後徒居崑山卒門人私諡文懿 年以薦授陕西咸陽教諭所撰有道學統系圖家 **基一百六十三**

致定四車全書 · 載內行醇謹門風肅務生平寫志理學以未子為 满一考即乞假歸以父老遂不復出家居四十餘 宗學者稱鴻洲先生所著庸齊日記信古餘論諸 試授刑部主事時政尚綜核而三重獨持平怨前 甚衆事母孝居喪哀毀有無乳白雞於堂 徐三重字伯同青浦人萬歷甲戌舉禮部丁丑廷 人不悅負其過無所得遂引疾歸遠方來受業者 丑進士授工部主事人樂其簡易而憚其嚴中貴 江南通志 文

錢大復字聲陽華亭人領萬思鄉薦授蓬萊今每 賢之學子龍錫 月朔集諸生講義致仕歸構日新書院講理學歷 兵備以父年七十乞侍養歸屢薦不起以名德重 九年寒暑不報其門人莊大儒字仲醇尤刻志聖 字叔開由進士官刑部主事亦有平允名歷東川 書皆可症世範俗長子貞扶以孝謹稱次子貞稷 時貞秩子銘敬貞稷子銘常懷宗時俱領鄉薦

A sub the trop to 1 國朝張昺字長史華亭人康熙辛未進士選庶吉士性 賞其西銘之對能闡先儒所未發入史館後又頻 将六經皆有纂述尤精於詩所者詩經輔註四卷 與講論契合尤深謂門弟子中類悟無如民者未 恬澹無管淬志理學座師李光地於禮聞閱策深 子允貞孫懷祖皆有士行 徐鳳彩字聖期華亭人太學生與兄字遠聲名相 久疾卒所者西鉛圖論中庸精義光地皆錄而存 江南通志 172

金牙口尼白雪 宋杜鎬字文周無錫人南唐時舉明經任集賢校理 嘗問西漢賜與用黃金而今難得何也鎬口當時 普問鎬錦口當祭而日食循廢况滴見如此乎帝 直學士以禁之累官禮部侍即博學多識真宗每 佛事未與故金價賤預修册府元龜特置龍圖閣 仕宋為崇文院檢討會將祀南郊彗星見宰相趙 常州府 卷一百六十三

唐棣字彦思宜與人政和五年進士從河南程頤 受業 學能得其傳編次伊川語録百餘條歷官秘書少 得古器異書必詢之皆能究其本末 魔安仁字宅道晉陵人通五經尤長於易郭浩從 石新經行巨即引去時論萬之者易解十卷 張巨武進人少從胡瑗遊與同郡將之奇胡宗愈 丁隲為四友嘉祐中舉明經歷國子監直講王安 江南通志 Ē

銀定四庫全書 肇孔文仲交章薦隱司馬光當國隱謁之獨後光 監 請正士風後出知處州 尤長於易春秋李定用事辟為屬以疾辭蘇較曾 曰真自重士也除太常博士改右正言元祐間疏 與楊時相友善在頤門下凡十七年後歸生徒遠 周字先字伯忱晉陵人偕弟恭先往洛從程頭學 丁隲字公點晉陵人嘉祐初進士以經學倡後進 卷一百六十三

元陸文主字子方江陰人博通經史百家及天文地 凌治字直翁無錫人與同邑陳敏同學於胡瑗以 至者衆創城西城東書院兄弟分主之楊時至郡 安教授著有論語解 館之城西命諸生師之字先由鄉薦入太學官臨 出守渠陽 經術知名治平乙已進士嘗為蓬萊武陟令以能 名召拜太學博士推胡瑗之學以海士士多從之 工朝夏志 +

|銀定匹庫全書 十卷 理律歷醫樂等數之學為文融會經傳東南學者 著有詩傳旁通發揮朱子之學為精又有詩緒餘 主卒後浙西稱學術醇正為世師表惟益一人所 皆宗師之朝廷屢遣使馳幣聘之以老疾不行所 史傳姓氏纂 居在城東學者稱之曰墙東先生有墙東類稿二 梁益字友直江陰人博治經史而工於文詞陸文 Ī 卷一百六十三 钦定四車全書 人 明謝應芳字子蘭武進人為走好學以道義名節自 續志思賢錄 孫作字大雅後以字行江除人世以儒名為文醇正 **徴脩郡志强起赴之德望重東南縉紳達官過郡 肯至正二年進士歷翰林待制** 陸以道字士弘無錫人明易湖程朱之源得象外 必訪其廬詩文典雅蘊籍有辨惑編龜巢稿毘陵 扇元至正初隱白鶴溪上授徒講學江南平有司 江南通志

為都總裁書成授右赞善又命授諸皇孫書成至 學問該博成祖修永樂大典用大臣薦以布衣召 陳濟字伯載武進人與弟洽後從謝應芳遊濟尤 以居僅嵌風雨為文章根據經史必務理勝不事 免復起待詔終長樂縣教諭門人稱清尚先生 典雅著書十二篇號東家子宋濂比之法言通書 居洪武六年召脩日歷書成累擢國子司業坐事 元季避兵具中張士誠廩禄之旋謝去客松江以

卷一百六十三

とこう: 改九江教授徐階督學江西檄掌白鹿書院事握 薛應旂字仲常武進人嘉靖乙未進士由慈谿令 與將信集師說為新泉問辨錄 能察所著有詩傳通證書傳補經元史舉要通鑑 遊王守仁湛若水之門當曰湛之體認天理即王 周衝字道通宜與人由舉人仕訓導至唐府紀盖 綱目集覽正誤諸書 之致良知也兩家門人各相非笑衝為疏通其旨 エカラシ

到定四库全書 南吏部考功郎中主察典輔臣嚴高令尚實鄉諸 車淵源憲章錄宋元通鑑甲子會紀四書人物考 高士傳浙江通志諸書 傑囑應於去一御史應於反點傑萬怒嗾御史劾 動升力群不就通判成都有康樂邊鹽課提舉謝 王升字世新宜與人由歲貢官國子學錄張居正 之謫建昌通判歷浙江提學副使罷歸所著有考 國欲網羅當世知名士託升友道意欲令典制 卷一百六十三 先生 具桂森字叔美無錫人從顧憲成高攀龍講學 東林講席學者稱啓新先生最精易學有像象管 見象鈔續鈔範行 御史上建儲論相二疏語極戆直斥歸郡守歐陽 錢一本字國瑞武進人萬歷癸未進士由知縣擢 東鳳構經正堂講學推一本主之與顧憲成分主 歸有四書輯名讀左教言諸書行世學者稱孚 江南通志

郵完四库全書 改職方劾輔臣温體仁尚書関洪學朋比阿黨記 懷宗初起工部員外郎京師戒嚴守德勝門稱肯 奄寺之害置二甲除户部主事值魏墙亂政告歸 静坐有得時稱兩素衣先生 談易隨問同邑諸生鄒期楨字公寧亦從攀龍學 所著像象管見廣其意作像象述像象金針易説 華允誠字汝立無錫人天改壬戌進士對策極陳 林書院萬思丙辰歲貢廷試歸學易於錢一本受 卷一百六十三

本高攀龍游盡得其學俱以儒學稱允誠有春秋 奪俸旋乞歸後殉國難少與兄允謀允誼從錢 察歸惟以者書為事晚尤好易撰周易感春秋平 **蔡疏諸書行世** 說四書大全然補允誼有三象粹精春秋傳戴記 義二書時宜與諸生儲減受學於錢一本著有易 岳虞懿字舜牧武進人崇正辛未進士歷江西按 疑春秋屬比直書子柜亦以學稱有周易集義 工的可以

銀定四庫全書 具鍾密字無稱武進人崇正甲戌進士少從高攀 龍。顧憲成講學門下士數百人江陰李應昇為最 易序圖說通書解皇極內篇小行祭同閣集 政父爾載師事高攀龍鏞承家訓精理學著有 量移桂林推官國亡自焚死所著有周易卦說大 初令長與以旱漆緩徵稅不中額謫紹與府照磨 秦鏞字大音無錫人崇禎丁丑進士令清江多惠 學行義霞舟語録諸書

KILD IST MAIN 國朝任元祥字王谷邑諸生學以良知為宗持身嚴肅 堵景源字源生無錫人崇禎五午舉人投徒講學 戴記未有成書網羅釣貫撰禮記緝正通儒稱之 好古其論學以六經為淵海箋疏為梯航謂朱子 李如一初名鵬翀字貫之江陰人應昇從父篤學 書就正語時江陰諸生顧文熊亦著禮經集解及 學者稱禾齊先生從游者八百餘人有禮經貫四 歷象圖書二考諸編 江南通志 三十六

金岁口酒有量 詩詞古文於天文歷象樂律方與之古多所發明 松名相埒著鶴鳴堂集商邱宋學序之 言動不苟建宗祠定宗法族人世世遵之詩文真 秦松龄字留仙無錫人順治乙未進士歷官左看 妙於春秋則故參三傳而另為一書著正誼堂集 董以寧字文友武進人郡諸生天資明敏少喜為 **楼典則井然與商邱侯方域寧都魏禧同邑陳維** 晚年盡棄去專事窮經於易宗來知德聞錯綜之 卷一百六十三

世祖章皇帝召試該鶴詩有高鳴常向月善舞不迎人之 高愈字紫超無錫人攀龍從孫私淑乃祖言動不 詩日箋 居二十餘年研精宋五子書窮經尤逐於詩著毛 白指示問臣曰此人必有品置第一以通糧案星 吞識性矣十九官庶常 坊左諭德七歲讀中庸閉目潛思良久告其師曰 恨歸田旋以博學宏詞薦侍從講怪纂修明史里

欽定四庫全書 華學泉字天沐無錫人性聰賴情讀書於六經各 禮尤精熟以歲貢終 七十門弟子共市一新冠為壽循却之途經學周 雪益謹與人言依於孝弟肥懇動人尤嚴取與年 尚父皆飲每赴宴愈必袖小燈何道旁扶掖歸雨! 於易起居坐卧惟易是偕為人豈弟樂易寫於同 能會通古人義疏而折衷以己意者述甚多尤深 氣鍵户四十餘年以布衣終 卷一百六十三 注 通走

禁陽半日讀書半日静坐之法覃思理學與同邑 **其晉則字錫孺宜與人順治主辰進士授廉州推** 湯之錆相砥礪病中聞兄明孺卒力疾往哭遂不 官以清節著尋丁母憂歸結廬墓側絕志仕進遵 湯之錡字世調宜與人至性純篤居親喪一循古 赳 周子主静之説為宗做高忠憲復七規春秋兩會 禮就地寢苫事諸父如父於先儒書無不讀而以 100 江朝通志

四方學者翕然宗之延陵書院暨錫山東林書院 使識義理大分根抵既端即轉之農工商買終不 行何如耳多辨論何益其卒也整襟危坐而逝 各延主講席不就有詢朱陸異同者則曰顧吾力 小學為準繩嘗言既為吾弟子當為其終身謀先 及明感皇帝輒痛哭不已培元教授里中奉朱子 任培元宜與人父贊性敦厚直諒家貪自樂每言 人於大惡定宗法十八則治族人子弟有犯啟祠

銀定四庫全書

告祖行杖雖素有名者不少假 所以然雖先儒不敢遠信積四十年成四書明辯 楊懷遠字文來宜與諸生讀書有疑義必究析其 諸生為人謙謹樸茂教授里中積脩脯營家祠及 田制為一書古今祭禮為一書復祭周禮疑五經 錄微言大義及名物典故皆在馬又考古限田均 疑諸儒源流考鄉評備考諸編家貧常苦饑而一 介不苟取卒金陵却舍同時有周亦魯字型會亦 江南通志 二十九

銀定四庫全書 祭田 著易圖系及六書樂律通鑑地理考學士換叙聘 當湖陸雕其相契居家有禮法不作佛事年 卒 至京與講易月餘安溪李光地極推服年九十五 陳其難字克艱江陰諸生博聞强識尤深於易嘗 五卒子格羅城令能詩文卒官孫崑諸生奔喪道 徐世沐字爾瀚江陰諸生不赴科舉積學力行與

次定四年全 湯之錡金敞得聞顧高之學乃虚心抑氣以聖賢 章大士字我任武進人少慕包極海瑞為人長從 為歸病亟時誦邻雍上天生我詩一笑而逝 同志静坐讀書與起者甚象 歲執禮恭謹之銷卒卜居無錫遵攀龍復七規與 聖人為必可學及長師事荆溪湯之銷長之銷 金敞字廓明靖江人好讀顧憲成高攀龍遺書以 江南通志 四十

漢包成字子良曲阿人受業長安習魯詩論語歸鄉 三國韋昭字弘嗣雲陽人為太史令撰具書孫休時 子福拜即中亦以論語入授和帝 武即位舉孝廉除即中授皇太子論語還大鴻臚 而素清苦俸賜增於諸卿咸皆散給諸生之貧者 經傳有疑軸遣小黃門就問顯宗以成有師傅思 里途為亦眉所執展夜誦經自若賊異而遣之光 鎮江府 卷一百六十三

文 Elo int di taio 晉臧壽字德仁祖汪自東莞家京口善三禮之學為 有文學 所著有洞記三卷官職訓及辨釋各一卷子隆亦 位遷侍中領左國史皓以瑞應問昭昭答曰此家 國學助教議宣太后不當配食中宗從之又因太 位當立傳不當為紀皓滋不悦積前後嫌忿誅之 為博士祭酒命昭依劉向故事校定衆書孫皓即 人筐篋中物耳皓欲為父和作紀昭以和未登帝 江南通志 四十二

金牙口居石雪 南北朝梁臧嚴字彦威壽孫孤貧勤學性耿介不輕 唐施敬本丹陽人為四門助教明皇将封禪詔有司 王佐才 廟災議礼禮學者多是之 風力長於撥繁幼從徵士諸葛璩受五經璩許為 有文集十卷從子盾累官領軍將軍為人敏賠有 郡累任皆逼蠻嚴以數門生單車入境羣蠻悅服 造請僕射徐勉欲識之嚴終不請歷監義陽武寧 巻一百六十二

宋姚闢字子張金壇人皇祐元年進士授項城令通 補闕秘書即 敬本歴陳古制言盥洗乃鬱人之事今侍中位宰 講求典儀盥手洗爵侍中主之祀天神太祝主之 奉天子輕重不倫非禮也時以為識體屢遷至右 相非鬱人比今太祝乃下士以下士接天以大臣 與蘇洵同修禮書有太常因革禮一百卷 州通判所至有聲時以辭章相尚閱獨完心六經 江南通志 里

金安四庫全書 德作仁孝學三論獻太子又採歷代太子善惡成 葛勝仲字魯柳丹陽人紹聖進士為太學正累遷 州 專意經術呂公著判賴州延教其子嚴毅方正以 焦干之字伯强丹徒人歐陽修勉以棄科舉之學 太常鄉紹續太常因革禮書會建儲以勝仲兼諭 師道自重嘉祐中舉行誼為國子直講歷知無錫 敗之迹日進數事除國子祭酒歷知數州有政績 卷一百六十三

R S. LO LOS La ALIO 實從周字文卿丹陽人志尚沖雅年五十偕弟澄 **忤朱酚罷歸卒諡文康** 之門其問答見文公語類官南廓簿領未赴卒 湯沫字叔永丹陽人粹於理學與弟沂同遊考亭 劉牢字平國金壇人紹熙元年進士調真州司法 從朱子學尚以操心為已為學者倡兄弟禁室講 毋驚此公相率去朱子曰忠信可行於此見之 道一夕盜入其室脾脫久之知為從周居謂其徒 江南通志 里

時朝旨責出身見任人供狀不讀周惇頤程顥程 宗時界奉古授官皆不起隱居三十年施惠於鄉 斷狀不可得也遷浙東倉司幹官不樂仕告歸理 題等書方得考試宰喟然曰平生所學謂何首可 繼之又毀淫祠八十四所書無所不讀以博考訓 **顏奎字應文丹徒人貢太學好學寫行後進師算** 注而自得之為貴卒諡文清有漫堂集三十卷 **邦雖生理素簿而見義必為既竭其力復質質以**

没是四車全書 图 元王垚字樂 天居京口長於康節經世之學至大改 村集 博四書五經皆有傳註尤深於易詩歌甚工號止 湯炳龍字子文居京口辟慶元市舶提舉學問該 餘事 陳鈞字公東居金壇歷官至湖南椎茶提舉通諸 元瀋陽王奏充說書從王使高麗還陳便利三十 之每郡博士至必執弟子禮迎致鄉校以為領袖 江南通志 四十日

明丁元吉字无咎丹徒人博學尤深於易善造就弟 著書多至二百餘卷子璣 正容端坐澄心定氣使躁釋慮消為政先風化而 捏廣東副使提督學校生平守程朱之學其教人 書因星發陳治道本末反覆千言而根極於正心 經尤長於易著原理原數二篇有文集 丁璣字玉夫丹徒人成化戊戌進士授中書舍人 子性至孝喜吟詠考古論事談養生治疾之方所 卷一百六十三 炎之四事全書 ! 書 友見稱知萬載縣務以德化完心理學著中說 于鎰字南金金壇人成化甲午舉人德性端重孝 欽順精研理與躬行實踐欽順所著困知記屬源 理學所著語録行世 朱錫升徒人任榮府紀善嘗從王心齋艮游潛心 王濂字仲清金壇人正德癸酉舉人學於羅文莊 以誠意將之所著有補齊集八卷大學疑義等 江南通志 四十五

墨詩酒為風雅夫飽食官禄受成胥吏謂之風雅 序之謁選湖州推官楊文襄一清稱其清操直節 歴官南京右都御史致仕樵素簡點至談經學則 為尚寶鄉轉鴻臚鄉疏請勵精聽納急宗社大計 遷刑部主事當曰士大夫以留心案贖為俗吏文 從涵養省察中出 可乎乃著讀律私笺甚精核萬歷初分巡浙西入 王樵字明逸金壇人果子嘉靖丁未進士授行人

欠記のtat lidio 實冊安所得無礙者雖報可而心街之卒罷歸與 上官例取無礙錢糧桓狀言賦役有成書徵收有 桓力爭於督府得罷兵調膠州兩視高密即墨蒙 桓身歷其地戒母剽掠賊既敛戢守將俸功請勤 書日記春秋輯傳四書紹聞編方麓居士集 東桓字子威丹陽人以貢士授寧州判州廹洞蠻 擔者讓道無忤容卒諡恭簡所著有周易私錄尚 娓娓不倦閉門宴坐撲邀如寒士徒步里中與負 江南通志 四大

金与四届分章 考功即趙南星謫安吉州判尋投劾歸與顧憲成 髙攀龍講學東林嘗云學在不事空言無求頓悟 敦朴存誠為務學者稱懷玉先生 丹徒 貢生殷士望月為講學會以孝悌求仁為本, 再陞禮部即中累疏爭三王并封議得寝又疏救 于孔兼字元時金壇人湛孫由進士授九江推官 名 光宗立贈光禄少卿兄文熙官大名兵備副使亦有 卷一百六十三

とこうう 盛行於世工書法輯鬱岡齊法帖數十卷手自動 於經傳多所發明有論語義府尚書要旨律例笺 士授檢討仕至福建泰政生平好讀書著述甚富 捐為一時石刻冠 釋鬱岡齊筆塵尤精醫理若醫科證治準繩等書 王肯堂字字泰金壇人都御史樵子萬思已丑進 教諭作廟祀考禮樂考示諸生又上豐宮六議於 笪繼良號我箴丹徒人萬歷辛卯鄉舉署寧國府 L. L. 江南通志 四十七

銀定四库全書 時議為魏忠賢置祠上林繼良執不可選判順天 學使者遷鉛山知縣講易舊湖書院晉絳州知州 聲大著歸與碩憲成 高攀龍講學於八卦亭 魏崔惡之以東林邪黨削奪歸懷宗時起户部即 署英山縣家法浮糧白電獄做刁頑甫四月而頌 潘槐字廷柳金壇人萬歷中貢士任廬州府訓望 中上賦役便民議出知汀州告歸講學天心書院 有語錄行世著鵝湖讀易十二卷 卷一百六十三

大臣の時日前 國朝顧言字子訥丹徒人由明經授石埭訓導選豊縣 惜夫情馬歌沿途皆咏之壁南康府同知主白鹿 岱 敦行績學遵父逸表遺命建小宗祠立宗法議 教諭繼陞池州教授辭不赴所至訓諸生先德器 符應乾字健甫金壇人萬歷两午鄉舉知零陵著 洞教事與諸生講學著鐸講行世 史岱字東觀金壇貢生送授學正後補禮部司務 後文藝著易編合朱纂道學正宗行世 江南道志

漢渡中翁東海人善詩書宣帝在民間依倚許廣漢 兄弟及祖母家史氏從之受學 文尚書光武以為議即作漢舊儀四篇以載西京 江謝曼柳受毛詩因作詩序又從司徒杜林受古 衛宏字敬仲東海人與河南鄭與俱好古學從九 語內篇外篇雜篇學山集 稍桃作小宗志又著五祀考釋菜考補輯孔子家 淮安府 卷一百六十三 え・17 ここう 宋徐積字仲車山陽人父石以神童舉知羅城縣父 晉陳部字節良襄責人都察孝原不就以儒學徵入 為給事中卒於官 稱部清貞潔静博通六經宜在左右以篤儒教可 為陳留內史遷燕王傅撰周禮評行世泰始中詔 雜事又著賦頌七篇皆傳於世 從胡瑗學應舉入都載母以行登進士第母亡廬 致以父名石終身不用石器足不践石事母至孝 エあ 色む

金完 中全書 國朝岳薦字西來山陽人明季棄諸生篤志汲古博通 墓三年雪夜哭墓側不絕音有甘露木連理之瑞 其孝行道義文學宜表其賢乃授楚州教授卒賜 客從南越來積與論績表山川險易鎮戍跌客如 與妻敬糠殿而奉養甘旨必具有庶弟前生其生 經史久之所得益深所養彌粹事親孝謹家貪應 諡節孝處士 指掌客嘆曰不出户知天下徐公是也廷臣應

とこうら とう 著有尚書疏證四書釋地因學紀聞注又同縣張 用宋儒程朱之學為準的知言楷行人皆欽服及 母暴亡薦夫婦棄己女而乳之平日指授學者專 殆字力臣為學嗜古精於六書一時者碩皆推服 史學博而思精最長於考訂多闡先儒所未發所 閻若璩字百詩其先自太原徙山陽若璩淹貫經 殁同里劉昌言及長洲汪琬並為作傳 江南商志

金牙四母全書 漢徐淑字伯進廣陵人博雅好學隨父慎在京師續 唐曹憲江都人仕隋為秘書學士聚徒教授公卿多 孟氏易春秋公羊傳禮記周書樂沒才除渤海令 文字又註廣雅藏於秘書唐貞觀中召不至即家 從游尤邃小學場帝令與諸儒誤桂苑珠叢規正 遷琅邪都尉 拜朝散大夫太宗書讀書有奇難字縣遣使問意 揚州府 巻一百六十三

宋王令字逢源真州人王安石嘗謂曰始得君文獨 書元豐初帝御選英殿季長進講周禮稱旨帝論 世之自立如君者有幾後居江陰卒所著有論語 沈季長字道原真州人舉進士第累官崇政殿記 孟子講義廣陵集十卷蒙求一卷 窮退而詢知君終歲食不量不以錄忽妄售於人 爱君才既而見君衣利履缺坐而語未當及己之 具為音註接驗詳確帝咨賞之卒年百餘歲

赵定四庫全書 講 始以爵禄為輕帝曰誠如柳言後官至國子監直 士皆以不得爵禄為恥至於言違諫愎士有去志 漢武帝學神仙為貪生以固位因言人臣固位天 領天下居正獨非之十餘年不應舉至宣和三年 之則可為國言之非福也人主有尊德樂道之心 王居正字剛中揚州人熙寧中王安石以新經義 下之士能輕爵禄者少季長曰士輕爵禄為士言 Ņ 卷一百六十三

议定四車全書 等書 志因著毛詩辨學詩辨學周禮辨學及辨學外集 嘗出所著三經義辨示居正曰吾舉其端子成吾 **檜檎諷中丞何鑄劾居正為趙鼎所薦奪職楊時** 納事為集諫十五卷以開廣上意於上前極論秦 堯允恭字克遜海陵人兩領鄉薦專意經傳九邃 始第進士仕終史館修撰髙宗初居正次前世 聽 於易有詩文二十卷

江南通志

五十二

明石光露字仲源泰州人讀書五行俱下洪武中以 貢授國子學正進博士作春秋釣玄 歷主白鹿洞書院著有一庵會語 王民字汝止泰州人初授書鄉塾信口談說中理 沈珠字汝淵江都人中正德丙子鄉試從祭酒港 王楝泰州人良從弟以嘉靖中歲貢為深州學正 乃執弟子禮學益深造子檗字宗順亦以學鳴 解後謁王守仁於豫章踞上坐與語氣凌其上已

史巨四車全套 故於崖岸自尊重惟春氣愉色和不以行能先人 林春字子仁泰州人授業於王民動有絕檢嘉靖 若水遊授永新知縣陞南國子監及若水徒滿四 母病假歸就故所讀書處講學母病間補原官時 方珠為都講 紳士講學京師者數十人志行敦實首推春選曹 **壬辰會試第一授户部主事累遷文選即中吏部** 多事日夕勤瘁卒素餘四金不能棺寮友聘助得 江南通志

五十三

時世宗龍方士陶仲文官兼大宗伯奉命之與都 並推重之巡撫唐龍劉節相繼按部造其廬 周惠字廷芳泰州人始為蘭州戍卒聽人講大學 許繼字從志儀徵人治察氏尚書王守仁湛若水 拜仲文大怒刻罷之歸杜門著書有集行世 监司臺使者皆先驅迎永年弗往既見又長揖不 朱永年字仲開儀徵人嘉靖中歲貢授光山知縣 卷一百六十三 N r. 10 and Latino 首章有感遂讀書從薛瑄門人段堅李泉遊研究 齊日編及心學正統等書 韓貞與化人從王艮子襞游提獎後進來學者數 教人務以誠敬為本官保安州判 化之稱小泉先生其門人王爵字錫之亦泰州人 五經學益途後還泰州幅中深衣動必由禮州人 張懋勲字堯光江都人私淑王守仁所著有二劍 百人督學耿定向器重之學者稱樂吾先生 江南通志

多年四月至書 聽聲又著清渠七義當世多採用之 處體認天理六字以自警萬歷庚子中鄉試累官 林之瀚字爾憲儀徵人少而嗜學坐即處皆書隨 溝洫蓄洩以資旱潦如古井田法製器候氣驗律 判遷潘府審理歸以修學著書為事買田射陽為 何堅字叔節江都人嘉靖庚子舉鄉試授臨江府 至寧州知州時稱儒吏所著有龍沙會語澹臺祠 證學等編 巻一百六十三

內廷供奉進經學衛子陳時文科學之弊補天長訓事 國朝俞楷字陳芳泰州人以歲貢充 論天論良知論子臣心鏡等書 孫兆祥高郵入歲貢生潛心理學著格物論明善 康熙癸未進士改庶吉士授編修典武山西著有治河方畧 程華亭教諭者三極易知録俞子書三刻弟梅字師嚴 卒五成進士歷官兵部主事 劉永澄字静之實應入敦行孝友究心理學萬思

多 定 庫全書 漢韋孟彭城人為楚元王傅及孫王戊荒溫不道孟作詩 時廣文之最雍正於印同考浙江鄉試其從兄彭 康熙乙未成進士授松江府教授潔已課士為一 徒積脩脯為兄嫂營喪葵研精理學所著神化性 命通一無二論士林傳之其傳記序說皆具古法 郭嗣齡字引年江都人為仲久後以孝聞家負授 盤字商山康熙丙午舉人文譽與嗣齡競爽 徐州府 卷一百六十三

時為博士歷河南東郡太守入為左馮翊遷太子 嚴彭祖字公子下邳人以春秋公羊專門教授宣帝 彭祖曰凡通經術固當修行先王之道何可委曲 從俗苗求富貴乎官終太傅 太傅廉直不事權貴或勸其少自勉强以取字相 魯賜楊人受詩于中公官至東海太守治民有廉節稱 **諷陳後亡去位徙家於鄒自孟至賢五世為鄉魯大儒**

祭千秋字少君沛人當受穀梁春秋於魯禁廣

穀梁說擢千秋為諫大夫給事中 施警字長卿沛人從田王孫受易常讓稱學廢 高相沛人治易亡章句專說陰陽災異自言出於 丘賀由是易有施孟梁丘之學 田王孫楊人受易於丁寬王孫又授施雙五嘉果 及皓宣公宣帝時為郎召見與公羊家並說帝善 不教授後以梁丘賀薦拜博士甘露中與五經諸 丁将軍寬授子康由是易有高氏學 卷一百六十三

自奉發之以諫大夫終子孫皆以學為儒官 寓法戒論祭天地於雲陽汾陰及諸寢廟不以親 帝時待詔官者署言事必採完經史窮極陰陽以 翼奉字少君下邳人治齊詩好律歷陰陽之占元 繇是施家有張彭之學 儒雜論同異於石渠閣雙授張禹禹授彭城戴崇 程牧字子况沛人與蘭陵白光同受易孟喜為博 疏送毀皆煩費違古制後定送毀禮徒南北郊皆 1 b

|銀定匹庫全書 政顯 為九柳 戴賓沛人平帝時以施氏易授陳留劉昆昆以異 戴崇字子平沛人受易丞相張禹得施雙之傳後 易說皆祖田何唯京氏為異由是易有京氏學 房以為延壽易即孟氏學從之至成帝時劉向考 士由是有程孟白之學 焦贛字延壽深人自云嘗從孟喜問易會喜死京 卷一百六十三

Rendo and histories 橋仁字季柳梁人與同郡楊榮從小戴受禮學仁 慶普字孝公沛人與大小戴同受禮於后蒼為東 之學 仕為大鴻臚榮仕為琅邪太守由是小戴有橋楊 夫病免哀帝時即家拜太山太守之官數月乞骸 名節世謂之楚兩龔舍不願仕以勝薦徵為諫大 龔舍字君倩通五經以魯詩教授與兄龔勝並著 平太傅普授魯夏侯敬 江南通志 五大

金云四周至書 傅 唐林字子高受書於長安許商商師周堪得大夏 骨王养居攝中卒 具是矣自潤色之 侯勝之傳者也商門人四科林列德行後以明經 褚少孫沛人事王式問經數篇式謝曰聞之於師 飭行顯名於世王莽時上疏諫正有忠直節 鄧彭祖字子夏沛人受易於五鹿充宗官真定太 卷一百六十三

N T. D Tan Lakes 陳宣字子與蕭人博學明魯詩光武徵拜諫議大 夫帝出宣前引行稍遲乘與欲驅釣宣御者隨車 申章昌字曼君楚人深丁姓弟子傳穀深春秋為 章氏學 博士至長沙太傅徒衆尤威由是穀梁春秋有申 謂朕乘是馬獨先安之願以文帝為法帝納其言 下宣諫曰王者車鳴爲步佩玉孝文帝却千里馬 逐徐行按轡 江南通志

金云四母全書 宋劉顏字子望彭城人好古學不專章句舉進士知 三國嚴畯字曼才彭城人善詩書三禮性純直避難 山中尉 聞人通漢字子方沛人后倉說禮數萬言號曰后 氏曲臺記授通漢通漢以太子舍人論石渠至中 經傳潮水論傳世 固辭樸素書生不問軍事諸葛亮深善之所者去 江東張昭薦為騎都尉魯肅卒吳主以暖代肅晙 卷一百六十三

明劉儼字若思蕭人洪武中知慈利縣康惠並著儼 库見宜績 龍與縣免官家居教授數百人所著有儒的通要 馬津字宗孔徐州人蔥裔孫正德丁丑進士任餘 蕭士悉宗之 經濟極言石介見其書嘆曰恨不在弟子之列子 好學明經義已令都玘為建易安書院聚徒授講 干令宸濠反從王守仁征討捏御史抗疏敢言選

一致定四庫全書 明秦約字文仲太倉人父玉居崇明孝友工詩洪武 生 大理寺丞出為福建提學副使端已帥物東經貞 者競相傳寫丙子罹寇難門人私益之曰文端先 許詢字問為蕭人氣體端凝詩書外無他嗜好尤 教士皆悦服所撰有克復諸篇 精周易尚書每御皐比為弟子說經語如注疏聽 太倉州

宮循人具遺章言事其不忘家國如此 潔清有志操學問淹治文章完慎病亟稱自以東 趙中行字子與嘉定人嘉靖癸卯舉於鄉好學属 陸釴字鼎儀太倉人天順癸未會元為東宮侍讀 陽教諭御史練則成等薦之稱為宿學遺老云 **徵請京師上書言事上悦以約年老難劇任授深 會心敷納禮度莊雅憲宗每屬目馬以疾乞歸對** 初約應廷試慎獨箴拜禮部侍即以母老辭歸再

欽定四庫全書 当如此 志節以經綸自負時邑有倭警中行為盡守禦之 凌鄉里渝約者共斥之風俗一變令臨川移疾歸 讀書七録齊中以六經史漢倡明古學時號婁東 張采字受先太倉人崇禎戊辰進士少與張溥同 相嵩擬授臨清州守中行夜促裝南還其進退不 法邑人賴之上公車不第有故人重其才薦於嚴 一張通籍後集鄉老自誓母使宗黨子弟奴僕勢 卷一百六十三江南通志

提學倪元共言諸生誦服聖賢聚徒講習無可罪 中交章言溥砥行力學表章六經請徵遺籍備乙 者會溥病卒而張采疏辨事乃已後以御史給事 為恥時有以妻東社黨中溥者事下巡撫都御史 張溥字天如太倉人崇禎年未進士選庶吉士乞 益潛心源閱之學溥性寬博爱而采嚴喜甄別可 假歸益讀書倡古學曰復社學者歸之以不及門 否故街采者多所著有知畏堂集 工的到点

多安四庫全書 黄淳耀字藴生嘉定人崇禎癸未進士少即以聖 覽奉旨呈進 賢自期著自監錄知過錄後為日歷書之所為夜 必書之晚而造詣益深詩古文悉軟先正原本六 經緼袍稱食不首取一錢當白一人克其人欲飽 駭還之嘉定破從客入僧舍與弟 淵雅相對縊死 之五十金而不敢言乃納諸書笥經數日檢出大 耀字偉恭諸生好學敦行如其兄 卷一百六十三

國朝陳瑚字言夏太倉人崇禎五年舉人少通五經求 為已涵養性情之實著有證我箋先賢學記等 釋遺經以倡明絕學為已任請業者必告以立心 官疏除審田浮賦房民得些引疾歸杜門却掃 道録切已録等書 實學鼎革後與其門弟子磨確名行磷礪經術粹 王御字聖乘太倉人明季以舉人令房山力怨上 然為居敬窮理工夫著有聖學入門四書講義求

銀定四庫全書 陸元輔字翼王嘉定人少師黃淳耀以敦篤之姿 書 塞一百六十三

後其學博極羣書而要歸於六經士大夫相語往 精微之學稱之自早年以存誠主敬自勵至老不

鴻儒薦者元輔雅不欲違素志以不入格罷歸所 往稱陸先生不舉其字也康熙十七年有以博學

陸世儀字道威太倉人少稱悟尤完心先儒語錄 著有十三經註疏類抄續經籍考 拱聽著有七經同異錄尚友編事物考辨蘇松田 臺司延請講學象明正容就席為說洪範九時大 受業者數百人著有思辨録論學酬答康熙五十 後嘗講學於錫山東林書院說易於毘陵大儒祠 **周象明字懸著太倉人康熙壬子舉人性行端潔** 年巡撫張伯行刻其集稱為吾道干城 **肯及先賢敬一箴精切詳明一時父老子弟莫不** 及經濟諸書順治問督學張能麟聘輯儒宗理要

Printer Lader

江南通志

六直

